



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

« 13 » ապրիլ 2022թ.

## ՈՐՈՇՈՒՄ թիվ 557-Ա

### ՎԱՐՉԱԿԱՆ ԱԿՏՈՒՄ ՓՈԳՈՒՆՈՒԹՅՈՒՆ ԿԱՏԱՐԵԼՈՒ ՎԵՐԱԲԵՐՅԱԼ

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, վերանայելով ֆիզիկական անձ Նորայր Ստեփանյանի վերաբերյալ վարչական վարույթի նյութերը,

#### Պ Ա Ր Զ Ե Ց Ի

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմվող թիվ N59614/2021/ԿՈՒՎ4/Ա արձանագրության (արձանագրությունը կցվում է)՝ ֆիզիկական անձ Նորայր Ստեփանյանի (Հասցե՝ Երևան, Դավթաշեն, Դավթաշեն 7 փ., 35/4 տ., ՀՎՀՀ՝ 20174326, ՀԾՀ՝ 3305770031) չկատարված հարկային պարտավորությունը 06.10.2021թ. դրությամբ կազմել է 214,999 դրամ, որից հարկ՝ 189,429, տույժ՝ 25,570 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, չկատարված հարկային պարտավորությունները գանձելու վերաբերյալ վարչական ակտ ընդունելու նպատակով 18.02.2022թ. հարուցված վարչական վարույթի մասին հարկ վճարողը պատշաճ կերպով ծանուցվել է, սակայն չի ներկայացել վարույթի նյութերին ծանոթանալու համար և որևէ բացատրություն չի տվել:

ՀՀ ՊԵԿ իրավաբանական վարչության պետի կողմից 28.02.2022թ. կայացվել է թիվ 557-Ա որոշումը, որով որոշվել է Նորայր Ստեփանյանից գանձել 06.10.2021 թվականի դրությամբ չկատարված 214,999 դրամ պարտավորության գումար, որի առաջադրման համար հիմք է հանդիսացել 06.10.2021 թվականի թիվ N59614/2021/ԿՈՒՎ4/Ա արձանագրությունը: Արձանագրությամբ նշվել է, որ համաձայն ՀՀ կադաստրի կոմիտեից ստացված տեղեկատվության՝ Նորայր Ստեփանյանի կողմից Երևան, Դավթաշեն, Ս. Պետրոսյան փ., 2 շենք, 8 բն. հասցեում գտնվող անշարժ գույքը 21.02.2019 թ-ից անորոշ ժամկետով ամսական 85,000 ՀՀ դրամ պայմանագրային արժեքով տրամադրվել է վարձակալության:

Ֆիզիկական անձի թիվ Դ/6958-2022 դիմումի և ՀՀ կադաստրի կոմիտեի կողմից տրված անշարժ գույքի առանձին որակական քանակական բնութագրերի և դրա նկատմամբ առանձին իրավունքների (սահմանափակումների) վերաբերյալ տեղեկանքի հիման վրա կազմված թիվ N427/2022/ԿՈՒՎ4/Ա արձանագրությամբ նշվել է, որ Նորայր Ստեփանյանի կողմից Երևան, Դավթաշեն, Ս. Պետրոսյան փ., 2 շենք, 8 բն. հասցեում գտնվող անշարժ գույքը 16.02.2019 թ-ից մինչև 24.09.2020 թվականը ժամկետով է ամսական 85,000 ՀՀ դրամ պայմանագրային արժեքով տրամադրվել վարձակալության, որի արդյունքում 06.04.2022 թվականի դրությամբ չկատարված հարկային պարտավորությունը կազմել է 199,399 դրամ, որից հարկ՝ 163,463 դրամ, տույժ՝ 35,936 դրամ:

Հաշվի առնելով վերոնշյալը և ղեկավարվելով «Նորմատիվ իրավական ակտերի մասին» ՀՀ օրենքի 33-րդ հոդվածով և «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածի 3-րդ մասով՝

#### ՈՐՈՇԵՑԻ

ՀՀ ՊԵԿ իրավաբանական վարչության պետի 28.02.2022 թվականի թիվ 557-Ա չկատարված հարկային պարտավորությունները գանձելու մասին որոշման մեջ կատարել հետևյալ փոփոխությունը.

1. Որոշման «Պարզեցի» մասի 1-ին պարբերությունը շարադրել հետևյալ խմբագրությամբ.

Համաձայն հարկային վարչարարության ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձի կողմից կազմված թիվ N427/2022/ԿՈՒՎԿ/Ա արձանագրության՝ Նորայր Ստեփանյանի (Հասցե՝ Երևան, Դավթաշեն, Դավթաշեն 7 փ., 35/4 տ., ՀՎՀՀ՝ 20174326, ՀԾՀ՝ 3305770031) չկատարված հարկային պարտավորությունը 06.04.2022թ. դրությամբ կազմել է 199,399 դրամ, որից հարկ՝ 163,463, տույժ՝ 35,936 դրամ:

Որոշման «Պարզեցի» մասի 3-րդ պարբերությունը շարադրել հետևյալ խմբագրությամբ.

Համաձայն ՀՀ կադաստրի կոմիտեից ստացված տեղեկությունների՝ Նորայր Ստեփանյանի կողմից Երևան, Դավթաշեն, Տ. Պետրոսյան փ., 2 շենք, 8 բն. հասցեում գտնվող անշարժ գույքը 16.02.2019 թ-ից մինչև 24.09.2020 թվականը ժամկետով ամսական 85,000 ՀՀ դրամ պայմանագրային արժեքով տրամադրվել է վարձակալության:

Որոշման «Պարզեցի» մասի 7-րդ պարբերությունը շարադրել հետևյալ խմբագրությամբ.

Արդյունքում՝ սույն որոշմամբ գանձման ենթակա օրենքով սահմանված ժամկետում չկատարված պարտավորությունը 06.04.2022 թվականի դրությամբ 2019 թվականի համար կազմում է 114,420 դրամ, որից հարկ՝ 88,946 դրամ, տույժ՝ 25,474 դրամ, 2020 թվականի համար կազմում է 84,979 դրամ, որից հարկ՝ 74,517 դրամ, տույժ՝ 10,462 դրամ:

2. Որոշման «Որոշեցի» մասի 1-ին կետը շարադրել հետևյալ խմբագրությամբ.

Ֆիզիկական անձ Նորայր Ստեփանյանից գանձել 199,399 դրամ պարտավորության գումար համաձայն ստորև ներկայացված աղյուսակի՝

06.04.2022թ. դրությամբ չկատարված հարկային պարտավորությունները գանձելու վերաբերյալ

Չափման միավորը՝ դրամ

| Հ / Հ | Հարկի և այլ պարտադիր վճարի տեսակը | Հաշվարկված հարկ/վճար |        | Հաշվարկված տույժ | Հաշվարկված տուգանք | Ընդամենը | Վճարման ուղղությունը | Հաշվի համարը |
|-------|-----------------------------------|----------------------|--------|------------------|--------------------|----------|----------------------|--------------|
|       |                                   | առաջացման ամսաթիվ    | գումար |                  |                    |          |                      |              |
| 1     | 2                                 | 3                    | 4      | 5                | 6                  | 7= 4+5+6 | 8                    | 9            |
| 1     | Եկամտային հարկ                    | 20.04.2020թ          | 88,946 | 25,474           | -                  | 114,420  | պետական բյուջե       | 900008000490 |
| 2     | Եկամտային հարկ                    | 20.04.2021թ          | 74,517 | 10,462           | -                  | 84,979   | պետական բյուջե       | 900008000490 |

ԻՐԱՎԱԲԱՆԱԿԱՆ  
ՎԱՐՉՈՒԹՅԱՆ ՊԵՏ



Ստացա որոշման օրինակը

*[Handwritten signature]*

Ա. ՄՆԱՑԱԿԱՆՅԱՆ

Ստորագրություն հարկ վճարողի/կամ ֆիզ. Անձի/ պաշտ անձի անուն ազգանուն ամսաթիվ

Կատարող՝ Հայաստանի Հանրապետության պետական եկամուտների կոմիտեի իրավաբանական վարչության հարկային գանձման և պարտավորությունների կատարման ապահովման բաժնի առաջատար մասնագետ Սեդա Ասատրյան, Ի տ. 011-54-91-91/91-65/



ՀՀ ՊԵՏԱԿԱՆ  
ԵԿԱՄՈՒԹՅԱՆ  
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57  
Կայք՝ [www.petekamutner.am](http://www.petekamutner.am) Էլ. փոստ՝ [secretariat@petekamutner.am](mailto:secretariat@petekamutner.am)